

言行畧

廿六中



三十一

史記

漢書門	九	三	八
類	九	八	八
號	二	八	八
函	二	八	八
架	二	八	八
冊	二	八	八

內閣文庫	九	〇	二
漢書	九	〇	二
類	二	八	八
號	二	八	八
冊	二	八	八
架	二	八	八

內閣文庫	番號	漢	9028
冊數	42	(22)
函號	290	141	





淺草文庫

賀仁傑從世祖帝欲選民間童女充後宮奏罷之元史賀仁傑傳

戒供御

召信臣為少府奏省樂府黃門倡優諸戲及宮館兵弩什器減過秦半大官園種冬生葱韭菜茹覆以屋廡晝夜難蘊火待溫氣乃生信臣以為此皆不時之物有傷於人不宜以奉供養及它非法食物悉奏罷漢書召信臣傳

宋宏建武二年為大司空帝嘗問宏通博之士宏乃薦沛國桓譚才學洽聞幾能及揚雄劉向父子於是召譚拜議郎給事中帝每讌輒令鼓琴好其繁聲宏聞之不悅悔於薦舉伺譚內出正朝服坐府上遣吏召之譚至不與席而讓之曰吾所



十一 史言行略 卷二十一
虞愿宋明帝立除太常丞尚書祠部郎通直散騎侍郎帝好圍
碁甚拙去格七八道物議共欺為第三品與第一品王抗圍
碁依品賭戲抗饒借帝曰皇帝飛碁臣抗不能斷帝終不覺
以為信然好之愈篤愿曰堯以此教丹朱非人主所宜好也

南史虞愿傳

李景伯遷諫議大夫中宗嘗宴侍臣及朝集使酒酣令各為迴
波辭眾皆為諂佞之辭及自要榮位次至景伯曰迴波爾時
酒卮微臣職在箴規侍宴既過三爵誼譁竊恐非儀中宗不
悅中書令蕭至忠稱之曰此真諫官也

舊唐書李懷遠傳

張說拜紫微令自則天末年季冬為潑寒胡戲中宗嘗御樓以

觀之至是因蕃夷入朝又作此戲說上疏諫曰臣聞韓宣適
魯見周禮而歎孔子會齊數倡優之罪列國如此況天朝乎
今外蕃請和選使朝謁所望接以禮樂示以兵威雖曰戎夷
不可輕易焉知無駒支之辯由余之賢哉且潑寒胡未聞典
故裸體跳足盛德何觀揮水投泥失容斯甚法殊魯禮褻比
齊優恐非干羽柔遠之義樽俎折衝之禮自是此戲乃絕

舊唐書張說傳

魏謩為同平章事兼集賢大學士詹毗國獻象謩以其性不安

中土請還其使從之

舊唐書魏謩傳

郭山暉遷國子司業時中宗數引近臣及修文學士與之宴集

十一史言行略 卷二十六
嘗令各効伎藝以爲笑樂工部尙書張錫爲談容娘舞將作
大匠宗晉卿舞渾脫左衛將軍張洽舞黃麋左金吾衛將軍
杜元琰誦婆羅門呪給事中李行言唱駕車西河中書舍人
盧藏用効道士上章山憚獨奏曰臣無所解請誦古詩兩篇
帝從之於是誦鹿鳴蟋蟀之詩奏未畢中書令李嶠以其詞
有好樂無荒之語頗涉規諷遽止之翌日帝嘉山憚之意詔
曰郭山憚業優經史識貯古今八索九邱由來徧覽前言往
行寔所該詳昨者因其預遊式宴朝彥旣乘驪洽咸使詠歌
遂能志在匡時潛申規諷審審之誠彌切諤諤之操逾明宜
示褒揚美茲鯁直賜時服一副

舊唐書郭山憚傳

姚璿加銀青光祿大夫大食使者獻師子璿曰是獸非肉不食
自碎葉至都所費廣矣陛下鷹犬且不蓄而厚資養猛獸哉

有詔大食停獻

新唐書姚思廉傳

蘇良嗣遷荊州長史帝遣宦者采怪竹江南將蒔上苑宦者所
過縱暴至荆良嗣囚之上書言狀帝下詔慰獎取竹棄之

新唐

書蘇世長傳

褚遂良遷諫議大夫兼知起居事帝嘗怪舜造漆器禹雕其俎
諫者十餘不止小物何必爾邪遂良曰雕琢害力農纂繡傷
女工奢靡之始危亾之漸也漆器不止必金爲之金又不止
必玉爲之故諫者救其源不使得開及夫橫流則無復事矣

十一
帝咨美之

新唐書褚遂良傳

柳澤轉殿中侍御史監嶺南選時市舶使右威衛中郎將周慶立造奇器以進澤上書曰不見可欲使心不亂是知見可欲而心必亂矣慶立雕製詭物造作奇器用浮巧爲珍玩以譎怪爲異寶乃治國之巨蠹明主所宜嚴罰者也昔露臺無費明君不忍象箸非大忠臣憤歎慶立求媚聖意搖蕩上心陛下信而使之乎是宜淫於天下慶立矯而爲之乎是禁典之所無赦陛下新卽位固宜昭宣菲薄廣示節儉豈可以怪好示四方哉書奏元宗稱善

新唐書柳澤傳

張廷珪遷黃門侍郎時遣使齎繒錦至石國市犬馬廷珪曰犬

馬非土性弗畜珍禽異獸不育于國不宜勞遠人致異物願

省無益之故救必然之急天下之幸

新唐書張廷珪傳

蘇頲檢校益州大都督長史按察節度劔南諸州時前司馬皇甫恂使蜀檄取庫錢市錦半臂琵琶捍撥玲瓏鞭頲不肯予因上言遣使銜命先取不急非陛下以山澤贍軍費意或謂頲公在遠叵得忤上意頲曰不然明主不以私愛奪至公吾可以遠近廢忠臣節邪

新唐書蘇瓌傳

張仲方爲諫議大夫帝時詔王播造競渡舟三十艘度用半歲運費仲方見延英論諍堅苦帝爲減三之二

新唐書張九齡傳

倪若水爲汴州刺史元宗遣中人捕鵙鵠溪鵠南方若水上言

農方田婦方蠶以此時捕奇禽怪羽爲園籞之玩自江嶺而南達京師水舟陸齋所飼魚蟲稻梁道路之言不以賤人貴鳥望陛下邪帝手詔褒荅悉放所玩譴使人過取罪而賜若

水帛四十段

新唐書倪若水傳

孔戣爲華州刺史明州歲貢淡菜蚶蛤之屬戣以爲自海抵京

師道路役凡四十三萬人奏罷之

新唐書孔巢父傳

李德裕爲浙西觀察使敬宗立侈用無度詔浙西上脂盞絁具德裕奏比年旱災物力未完乃三月壬子敕令常貢之外悉罷進獻此陛下恐聚斂之吏緣以成姦彫窶之人不勝其敝也本道素號富饒更李錡薛平皆權酒於民供有羨財元和

詔書停權酷又敕令禁諸州羨餘無送使今存者惟留使錢五十萬緡率歲經費常少十三萬軍用褊急今所須脂盞絁具度用銀二萬三千兩金百三十兩物非土產雖力營索尙恐不逮願詔宰相議何以俾臣不違詔旨不乏軍興不疲人不斂怨則前敕後詔咸可遵承不報方是時罷進獻不閱月而求貢使者足相接于道故德裕推一以諷它又詔索盤條繚綾千匹復奏言太宗時使至涼州見名鷹諷李大亮獻之大亮諫止賜詔嘉歎元宗時使者抵江南捕鳩鵲翠鳥汴州刺史倪若水言之卽見褒納皇甫詢織半臂造琵琶捍撥鏤牙箏於益州蘇頲不奉詔帝不加罪夫鳩鵲鏤牙微物也二

三臣尚以勞人損德為言豈二祖有臣如此今獨無之蓋有位者蔽而不聞非陛下拒不納也且立鵝天馬盤條拘豹文彩怪麗惟乘輿當御今廣用千匹臣所未諭者漢文身衣七綈元帝罷輕織服故仁德慈儉至今稱之願陛下師二祖容納遠思漢家恭約裁賜節減則海隅蒼生畢受賜矣優詔為停

新唐書李德裕傳

李珣同中書門下平章事武宗即位潞州劉從諫獻大馬滄州

劉約獻白鷹珣請卻之以示四方

新唐書李珣傳

韋宙為永州刺史湘源生零陵香歲市上供人苦之宙為奏罷

新唐書韋丹傳

高錫漢乾祐中辟河南府推官奪官歸周顯德初世宗嘗令翰

林學士及兩省官分撰俳優詞付教坊肄習以奉游宴錫上

疏諫

宋史高錫傳

張觀改鹽鐵判官嘗因奏事白上曰陛下務敦淳化殿宇采飾皆徹去之惟尚朴素天下幸甚然於服御器用臣願亦從純儉上曰朕庶事簡約至於所服多用絕絹皆經澣濯爾卿言

甚善

宋史張觀傳

薛奎為戶部侍郎資政殿學士判尚書都省真宗時數宴大臣至有霑醉者奎諫曰陛下即位之初勵精萬幾而簡宴幸今天下誠無事而宴樂無度大臣數被酒無威儀非所以重朝

十一 史言行 卷二十一
廷也真宗善其言宋史薛奎傳

李紘拜監察御史時召成都府樂工許朝天等補教坊紘言陛下卽位尙未能顯巖穴之士而首召伶人非所以廣德美於天下朝天等遂罷歸宋史李昌齡傳

姜遵知永興軍奏罷咸陽富民元氏歲貢梨宋史姜遵傳

劉隨遷右司諫爲三司戶部判官時下詔蜀中選優人補教坊隨以爲賤工不足辱詔書宋史劉隨傳

曹修古爲監察御史禁中以翡翠羽爲服玩詔市於南越修古以謂重傷物命且真宗時嘗禁採玃毛故事未遠命罷之宋史曹修古傳

郭勸遷兵部員外郎兼起居舍人同知諫院言發運使劉承德獻輪扇浴器大率以媚上也請付外毀以戒邪佞宋史郭勸傳

黃震徙廣東轉運使廣南歲進異花數千本至都下枯死者十八九道路苦其煩擾震奏罷之宋史黃震傳

豐稷轉工部尙書兼侍讀改禮部禁內織錦緣宮簾爲地衣稷言仁宗衾褥用黃絁服御用縑繪宜守家法詔罷之宋史豐稷傳

呂誨拜御史中丞初中旨下京東買金數萬兩又令廣東市眞珠傳云將備宮中十閣用度誨言陛下春秋富盛然聰明睿知以天下爲心必不留神於此願亟罷之宋史呂誨傳

范祖禹爲祕書省正字哲宗立遷著作郎兼侍講神宗旣祥祖


禹上疏宣仁后曰今卽吉方始服御一新奢儉之端皆由此起凡可以使目不視靡曼之者耳不聽淫哇之聲非禮勿言非禮勿動蕩心悅目者不宜有加於舊皇帝聖性未定覩儉則儉覩奢則奢所以訓導成德者動宜有法今聞奉宸庫取珠戶部用金其數至多恐增加無已願正於未然崇儉敦朴甫養聖性則學問日益聖德日隆此宗社無疆之福宋史范鎮傳

蘇軾權開封府推官會上元敕府市浙燈且令損價軾疏言陛下豈以燈爲悅此不過以奉二宮之歡耳然百姓不可戶曉皆謂以耳目不急之玩奪其口體必用之資此事至小體則甚大願追還前命卽詔罷之宋史蘇軾傳

江公望建中靖國元年拜左司諫內苑稍畜珍禽奇獸公望力言非初政所宜它日入對帝曰已縱遣之矣唯一白鷗畜之久終不肯去先是帝以柱杖逐鷗鷗不去乃刻公望姓名於杖頭以識其諫宋史江公望傳

何常歷熙河轉運副使徙成都路中使持御札至令織戲籠羅二千繡旗五百常奏旗者軍器之飾敢不奉詔戲籠羅唯供御服日衣一匹歲不過三百有奇今乃數倍無益也詔獎其言爲減四之三宋史何常傳

霍端友知陳州內侍右燾傳詔索瑞香花數十本端友不可疏罷之宋史霍端友傳



張根改淮南轉運使加直龍圖閣徒兩浙辭不行以花石綱拘
占漕舟官買一竹至費五十緡而多入諸臣之家因力陳其

弊宋史張根傳

趙鼎為檢校少傅奉國軍節度使初車駕還臨安內侍移竹栽
入內鼎見責之曰良獄花石之擾皆出汝曹今欲蹈前轍耶
因奏其事上改容謝之宋史趙鼎傳

沈與棻遷御史中丞浙西安撫劉光世來朝以繪帛方物為獻
上已分乞六宮與求奏今為何時而有此時已暮疏入上命
追取斥還兩浙轉運副使徐康國自温州進發宣和間所製
間金銷金屏障什物與求奏曰陛下儉侔大禹今康國欲以

微物累盛德乞斥而焚之仍顯黜康國從之宋史沈與求傳

劉琪除知潭州湖南安撫使進資政殿大學士安南貢象所過
發夫除道毀屋廬數十州騷然琪奏曰象之用於郊祀不見
於經驅而遠之則有若周公之典且使吾中國之疲民困於
遠夷之野獸豈仁聖之所為哉宋史劉琪傳

陸游除敕令所刪定官中貴人有市北方珍玩以進者游奏陛
下以損名齋自經籍翰墨外屏而不御小臣不體聖意輒私
買珍玩虧損聖德乞嚴行禁絕宋史陸游傳

移刺温除同知宣徽院事世宗御饌不適口召温嘗之奏曰味
非不美也蓋南北邊事未息聖慮有所在耳上意遂釋金史移刺

溫傳

黃久約授左諫議大夫兼禮部侍郎為賀宋生日副使道經宿泗見貢新枇杷子者州縣調民夫遞進還奏罷之

金史黃久約傳

王擴遷南京路轉運使太府監奏羊瘦不可供御宣宗召擴詰問擴奏曰官無羊皆取於民今民心未安宜崇節儉廷議肥瘠紛紛非所以示聖德也宣宗首肯之平章政事高琪閱尚食物謂擴曰聖主焦勞萬機賴膳羞以安養臣子宜盡心擴

曰此自食監事何勞宰相高琪默然銜之

金史王擴傳

鐵哥領尚膳監內府食用圓米鐵哥奏曰計粳米一石僅得圓米四斗請自今非御用止給常米帝善之進資善大夫司農

時司農供膳有司多擾民鐵哥奏曰屯田則備諸物立供膳司甚便從之

元史鐵哥傳

耶律楚材太祖呼楚材曰吾圖撒合里而不名太宗即位楚材拜中書令帝素嗜酒日與大臣酣飲楚材屢諫不聽乃持酒槽鐵口進曰麴蘖能腐物鐵尚如此況五臟乎帝悟語近臣曰汝曹愛君憂國之心豈有如吾圖撒合里者耶賞以金帛勅近臣日進酒三鍾而止

元史耶律楚材傳

粘合重山為侍從官數得侍宴內廷因諫曰臣聞天子以天下為憂憂之未有不治忘憂未有能治者也置酒為樂此忘憂之術也帝深加納之

元史粘合重山傳

魏初拜監察御史帝宴羣臣於上都行宮有不能酌大卮者免其冠服初上疏曰臣聞君猶天也臣猶地也尊卑之禮不可不肅方今內有太常有史官有起居注以議典禮記言動外有高麗安南使者入貢以觀中國之儀昨聞錫宴大臣威儀弗謹非所以尊朝廷正上下也疏入帝欣納之仍諭侍臣自今毋復爲此舉

元史魏初傳

張養浩字希孟拜禮部尙書英宗卽位命參議中書省事會元夕帝欲於內廷張燈爲鰲山卽上疏于左丞相拜住拜住袖其疏入諫其畧曰世祖臨御三十餘年每值元夕閭閻之間燈火亦禁況闕庭之嚴宮掖之邃尤當戒慎今燈山之構臣

以爲所翫者小所繫者大所樂者淺所患者深伏願以崇儉慮遠爲法以喜奢樂近爲戒帝大怒旣覽而喜曰非張希孟不敢言卽罷之

元史張養浩傳

趙師魯拜監察御史元夕令出禁中命有司張燈山爲樂師魯上言燕安怠惰肇荒淫之基奇巧珍玩發奢侈之端觀燈事雖微而縱耳目之欲則上累日月之明疏聞遽命罷之

元史趙師魯傳

戒宮室

召信臣爲少府奏請上林諸離遠宮館稀幸御者勿復繕治其

張 漢書召信臣傳

趙興建和初為侍中時帝欲廣開鴻池典諫曰鴻池汎溉已且百頃猶復增而深之非所以崇唐虞之約已遵孝文之愛人也帝納其言而止

後漢書 趙典傳

楊賜為司徒帝欲造畢圭靈琨苑賜上疏諫曰竊聞使者並出規度城南人田欲以為苑昔先王造園裁足以修三驅之禮薪萊芻牧皆悉往焉先帝之制左開鴻池右作上林不奢不約以合禮中今猥規郊城之地以為苑園壞沃行廢田園驅居人畜禽獸殆非所謂若保赤子之義今城外之苑已有五六可以逞情意順四節也宜惟夏禹卑宮太宗露臺之意以慰下民之勞書奏帝欲止以問侍中任芝中常侍樂松松等

曰昔文王之園百里人以為小齊宣五里人以為大今與百姓共之無害於政也帝悅遂令築苑

後漢書 楊震傳

楊偉明帝治宮室偉諫曰今作宮室斬伐生民墓上松柏毀壞碑獸石柱辜及亾人傷孝子心不可以為後世之法則

魏志 曹真

注傳

高允遷中書侍郎加建武將軍領著作郎給事中郭善明性多機巧欲逞其能勸高宗大起宮室允諫曰臣聞太祖道武皇帝既定天下始定都邑其所營立非因農隙不有所興今建國已久宮室已備永安前殿足以朝會萬國西堂温室足以安御聖躬紫樓臨望可以觀望遠近若廣脩壯麗為異觀者

宜漸致之不可倉卒計斫材運土及諸雜役須二萬人丁夫
充作老小供餉合四萬人半年可訖古人有言一夫不耕或
受其饑一婦不織或受其寒況數萬之衆其所損廢亦已多
矣推之於古驗之於今必然之效也誠聖主所宜思量高宗
納之魏書高宗允傳

何尙之爲尙書左僕射文帝造元武湖上欲於湖中立方丈蓬
萊瀛洲三神山尙之固諫乃止時又造華林園並盛暑役人
尙之又諫上不許曰小人常日曝背此不足爲勞南史何尙之傳

李漢爲左拾遺敬宗好治宮室波斯賈人李蘇沙獻沈香亭子
材漢上疏論之曰若以沈香爲亭子卽與瑤臺瓊室事同舊唐

書李漢傳

姜行本貞觀中爲將作少匠護作九成洛陽宮及諸苑籞高昌
之役爲行軍副總管造攻城械增損舊法械益精行本有巧思
凡朝之營繕所司必諮而後行魏徵見其倚昵恐寢啟侈端

勸帝斥之新唐書姜謩傳

戴胄檢校吏部尙書貞觀四年以本官參豫朝政帝將修復洛
陽宮胄上疏諫曰比關中河外置軍團彊夫富室悉爲兵九
成之役又興司農將作見丁無幾大亂之後戶口單破一人
就役舉室捐業籍軍者督戎仗課役者責糧齋竭貲經紀猶
不能濟七月以來霖潦未止濱河南北田正洿下年之有凶

未可知壯者盡行賦調不給則帑藏虛矣今宮殿足庇風雨容羽衛數年後成猶不謂晚何憚而遽自生勞擾邪帝覽奏

罷役

新唐書戴胄傳

蘇世長拜諫議大夫侍宴披香殿酒酣進曰此煬帝作邪何雕麗底此帝曰卿好諫似直然詐也豈不知此殿我所營乃詭云煬帝邪對曰臣但見傾宮鹿臺非受命聖人所為者陛下武功舊第纔蔽風雨時以為足今天下厭隋之侈以歸有道陛下宜刈奢淫復朴素今乃即其宮加雕飾焉欲易其亂得乎帝咨重其言

新唐書蘇世長傳

袁恕已加銀青光祿大夫中書侍郎同中書門下三品將作少

匠楊務廉者以工巧進恕已恐其復啟游娛侈麗之漸言於

中宗曰務廉位九卿忠言嘉謨不聞而專事營構以媚上不

斥之亾以昭德乃授陵州刺史

新唐書袁恕已傳

謝泌改左正言會修正殿頗施采繪泌上疏亟命代以丹堊且

嘉其忠蓋拜左司諫賜金紫錢三十萬

宋史謝泌傳

守道授左諫議大夫大定二年宮中十六位火方事完葺時已

入夏頗妨民力守道諫而罷

金史完顏守道傳

拜任拜中書左丞相從幸上都次察罕腦兒帝以行宮亨麗殿

制度卑隘欲更廣之奏曰此地苦寒入夏始種粟黍陛下初

登大寶不求民瘼而遽興大役以妨農務恐失民望從之

元史

拜任傳

答里麻除大都路留守帝嘗命答里麻修七星堂先是修繕必用赤綠金銀裝飾答里麻獨務樸素令畫工圖山林景物左右年少皆不然是歲秋車駕自上京還入觀之乃大喜以手撫壁嘆曰有心哉留守也賜白金五十兩錦衣一襲

元史答里麻傳

戒遊畋

袁盎為中郎將文帝從霸陵上欲西馳下峻阪袁盎騎並車摩轡上曰將軍怯邪盎曰臣聞千金之子坐不垂堂百金之子不騎衡聖主不乘危而徼幸今陛下騁六駢馳下峻山如有馬驚車敗陛下縱自輕奈高廟太后何上乃止

史記袁盎鼂錯傳

司馬相如為郎常從上至長楊獵是時天子方好自擊熊羆馳逐野獸相如上疏諫之其辭曰臣聞物有同類而殊能者故力稱烏獲捷言慶忌勇期賁育臣之愚竊以為人誠有之獸亦宜然今陛下好陵阻險射猛獸卒然遇軼材之獸駭不存之地犯屬車之清塵輿不及還轅人不暇施巧雖有烏獲逢蒙之伎力不得用枯木朽株盡為害矣是胡越起於轂下而羌夷接軫也豈不殆哉雖萬全無患然本非天子之所宜遊也且夫清道而後行中路而後馳猶時有銜檄之變而況涉乎蓬蒿馳乎邱墳前有利獸之樂而內無存變之意其為禍也不亦難矣夫輕萬乘之重不以為安而樂出於萬有一危

之塗以為娛臣竊為陛下不取也蓋明者遠見於未萌而智者避危於無形禍固多藏於隱微而發於人之所忽者也故鄙諺曰家累千金坐不垂堂此言雖小可以喻大臣願陛下之留意幸察上善之

史記司馬相如傳

薛廣德為御史大夫上幸甘泉郊泰時禮畢因畱射獵廣德上書曰竊見關東困極人民流離陛下日撞亾秦之鐘聽鄭衛之樂臣誠悼之今士卒暴露從官勞倦願陛下亟反宮思與百姓同憂樂天下幸甚上即日還

漢書薛廣德傳

銚期拜衛尉帝嘗輕與期門近出期頓首車前曰臣聞古今之戒變生不意誠不願陛下微行數出帝為之回輿而還

後漢書銚

期傳

申屠剛遷尚書令光武嘗欲出游剛以隴蜀未平不宜宴安逸

豫諫不見聽遂以頭軻乘輿輪帝遂為止

後漢書申屠剛傳

鄧暉為上東城門候帝常出獵車駕夜還暉拒關不開帝令從者見面於門間暉曰火明遠遠不受詔帝迺迴從東中門入明日暉上書諫曰昔文王不敢槃于游田以萬人惟憂而陛下遠獵山林夜以繼晷其如社稷宗廟何暴虎馮河未至之戒誠小臣所竊憂也書奏賜布百匹貶東中門候為參封

尉後漢書鄧暉傳

楊秉相帝即位遷侍中尚書帝時微行私過幸河南尹梁允府

舍是日大風拔樹晝昏秉因上疏諫曰臣聞瑞由德至災應
事生傳曰禍福無門唯人自召天不言語以災異譴告是以
孔子迅雷風烈必有變動詩云敬天之威不敢驅馳王者至
尊出入有常警蹕而行靜室而止自非郊廟之事則鑾旗不
駕故詩稱自郊徂宮易曰王假有廟致孝享也諸侯如臣之
家春秋尚列其誠況以先王法服而私出槃游降亂尊卑等
威無序侍衛守空宮紱璽委女妾設有非常之變任章之謀
上負先帝下悔靡及奕世受恩得備納言又以薄學充在講
勸特蒙哀識見照日月恩重命輕義使士死敢憚摧折略陳
其愚帝不納

後漢書
楊震傳

陳蕃遷光祿勳延熹六年車駕幸廣城校獵蕃上疏諫曰臣聞
人君有事於苑囿唯仲秋西郊順時講武殺禽助祭以敦孝
敬如或違此則爲肆縱故臯陶戒舜無教逸遊周公戒成王
無槃于遊田虞舜成王猶有此戒況德不及二主者乎夫安
平之時尚宜有節況當今之世有三空之厄哉田野空朝廷
空倉庫空是謂三空加兵戎未戢四方離散是陛下焦心毀
顏坐以待旦之時也豈宜揚旗耀武騁心輿馬之觀乎又前
秋多雨民始種麥今失其勸種之時而令給驅禽除路之役
非賢聖恤民之意也齊景公欲觀於海放乎琅邪晏子爲陳
百姓惡聞旌旗輿馬之音舉首頓眉之感景公爲之不行周

十一 史言行略 卷二十六
穆王欲肆車轍馬跡祭公謀父爲誦祈招之詩以止其心誠惡逸遊之害人也書奏不納

後漢書
陳蕃傳

王朗爲司空時帝頗出游獵或昏夜還宮朗上疏曰夫帝王之居外則飾周衛內則重禁門將行則設兵而後出幄稱警而後踐墀張弧而後登輿清道而後奉引遮列而後轉轂靜室而後息駕皆所以顯至尊務戒慎垂法教也近日車駕出臨捕虎日昃而行及昏而反違警蹕之常法非萬乘之至慎也帝報曰覽表雖魏絳稱虞箴以諷晉悼相如陳猛獸以戒漢武未足以喻方今二寇未殄將帥遠征故時入原野以習戎備至於夜還之戒已詔有司施行

魏志王
朗傳

辛毗遷侍中嘗從帝射雉帝曰射雉樂哉毗曰於陛下甚樂而於羣下甚苦帝默然後遂爲之稀出

魏志辛
毗傳

穆亮遷司空錄尚書事高祖將自小平汎舟幸石濟亮諫曰臣聞垂堂之誨振古成規於安思危著於周易是以憑險弗防沒而不弔匹夫之賤猶不自輕况萬乘之尊含生所仰而可忽乎是故處則深宮廣廈行則萬騎千乘昔漢帝欲乘舟渡渭廣德將以首血汗車輪帝乃感而就橋夫一渡小水猶尙若斯况洪河浩汗有不測之慮且車乘由人猶有奔逸致敗之害况水之緩急非人所制脫難出慮表其如宗廟何高祖

曰司空言是也

魏書穆
崇傳

宿石遷內行令嘗從獵高宗親欲射虎石叩馬而諫引高宗至
高原上後虎騰躍殺人詔曰石為忠臣鞋馬切諫免虎之害
後有犯罪宥而勿坐

魏書宿石傳

謝莊為侍中領前軍將軍時孝武出行夜還敕開門莊居守以
榮信或虛須墨詔乃開上後因宴從容曰卿欲效郅君章邪
對曰臣聞蒐巡有度郊祀有節盤于游田著之前誠陛下今
蒙犯塵露晨往宵還容致不逞之徒妄生矯詐臣是以伏須

神筆

南史謝宏微傳

古弼遷尚書令太武大閱將校獵於河西弼留守詔以肥馬給
騎人弼命給弱者太武大怒曰尖頭奴敢裁量朕也朕還臺

先斬此奴弼頭尖帝常名之曰筆頭時人呼為筆公屬官懼
誅弼告之曰吾謂事君使田獵不過盤游其罪小也不備不
虞使戎寇恣逸其罪大也今北狄孔熾南虜未滅狡焉之志
窺伺邊境是吾憂也故選肥馬備軍實為不虞之遠慮苟使
國家有利吾寧避死乎明主可以理干此自吾罪帝聞而歎
曰有臣如此國之寶也賜衣一襲馬二匹鹿十頭後車駕田
於山北獲麋鹿數千頭詔尚書發車牛五十乘運之帝尋謂
從者曰筆公必不與我汝輩不如馬運之速遂還行百餘里
而弼表至曰今秋穀懸黃麻菽布野獐鹿竊食烏雁侵費風
波所耗朝夕參倍乞賜矜緩使得收載帝謂左右曰筆公果

如朕卜可謂社稷之臣

北史古弼傳

張曜遷尚書右丞文宣曾近出令曜居守帝夜還曜不時開門
勒兵嚴備帝駐驛門外久之催迫甚急曜以夜深須火至面
識門乃可開於是獨出見帝帝笑曰卿欲效邳君章也乃使
曜前開門然後入嗟賞之賜以錦綵

北史張曜傳

唐儉授天策府長史貞觀初授民部尚書後從幸洛陽苑射猛
獸羣豕突出林中太宗引弓四發殪四豕有雄雉突及馬鎧
儉投馬搏之太宗拔劍斷豕顧笑曰天策長史不見上將擊
賊耶何懼之甚對曰漢祖以馬上得之不以馬上治之陛下
以神武定四方豈復逞雄心於一獸太宗納之因為罷獵

舊唐

書唐儉傳

虞世南除祕書監太宗頗好獵世南上疏諫曰臣聞秋獮冬狩
蓋惟恒典射隼從禽備乎前誥伏惟陛下因聽覽之餘辰順
天道以殺伐將欲躬摧班掌親御皮軒窮猛獸之窟穴盡逸
材之林藪夷凶剪暴以衛黎元收革擢羽用克軍器舉旗效
獲式遵前古然黃屋之尊金輿之貴八方之所仰德萬國之
所係心清道而行猶戒銜檠斯蓋重慎防微為社稷也是以
馬卿直諫於前張昭變色於後臣誠微淺敢忘斯義且天弧
星畢所殪已多頒禽賜獲皇恩亦溥伏願時息獵車再韜長
戟不拒芻蕘之請降納涓澮之流祖禘徒搏任之羣下則貽

十一
卷二十一
三

範百王永光萬代

舊唐書虞世南傳

褚亮授秦王文學時高祖以寇亂漸平每冬畋狩亮上疏諫曰
臣聞堯鼓納諫舜木求箴茂克昌之風致昇平之道伏惟陛
下應千祀之期拯百王之弊平壹天下劬勞帝業旰食思政
廢寢憂人用農隙之餘遵冬狩之禮獲車之所遊踐虞旗之
所涉歷網唯一面禽止三驅縱廣成之獵士觀上林之手搏
斯固畋弋之常規而皇王之壯觀至於親逼猛獸臣竊惑之
何者筋力驍悍爪牙輕捷連弩一發未必挫其凶心長戟纔
搗不能當其憤氣雖孟賁抗左夏育居前卒然驚軼事生慮
表如或近起林叢未填坑谷駭屬車之後乘犯官騎之清塵

小臣怯懦私懷戰慄陛下以至聖之資垂將來之教降情納
下無隔直言臣叨逢明時遊宦藩邸身漸榮渥日用不知敢

緣天造冒陳丹懇高祖甚納之

舊唐書褚亮傳

魏知古拜侍中先天元年冬從上畋獵于渭川因獻詩諷曰嘗
聞夏太康五弟訓禽荒我後來冬狩三驅盛禮張順時鷹隼
擊講事武功揚奔走未及去翮飛起暇翔非熊從渭水瑞雀
想陳倉此欲誠難縱茲遊不可常子雲陳羽獵僖伯諫漁棠
得失鑒齊楚仁恩念禹湯豈熙諒在宥亭毒匪多傷辛甲今
爲史虞箴遂孔彰手制褒之曰夫詩者志之所以寫其心懷
實可諷諭君主是故揚雄陳羽獵馬卿賦上林爰自風雅率

由茲道子頃向溫泉觀省風俗時因暇景掩渭而畋方開一面之羅式展三驅之禮躬親校獵聊以從禽豈意卿有箴規輔予不逮自非款誠夙著其孰能繼於此耶今賜卿物五十

段用申勸獎

舊唐書魏知古傳

李大亮遷涼州都督嘗有臺使見名鷹諷大亮獻之大亮密表曰陛下絕畋獵久矣而使者求鷹信陛下意邪乃乖昔旨如其擅求使非其才太宗報書曰有臣如此朕何憂古人以一言之重訂千金今賜胡瓶一雖亾千鎰乃朕所自御又賜荀悅漢紀曰悅論議深博極為政之體公宜繹味之

新唐書李大亮傳

蘇世長拜諫議大夫從獵涇陽大獲帝入旌門詫左右曰今日畋樂乎世長曰陛下廢萬機事游獵不滿十旬未為樂也帝色變既而笑曰狂態發邪曰為臣計則狂為陛下計忠矣時武功郿新經突厥寇掠鄉聚凋虛帝將遂獵武功世長諫曰突厥向盜劫人陛下救卹之言未出口又獵其地殆百姓不堪所求帝不聽

新唐書蘇世長傳

孫伏伽遷大理少卿帝數出馳射伏伽諫曰臣聞天子之居禁衛九重出也警入也蹕非直尊其居處為社稷生人計也比聞陛下走馬射帖娛悅羣臣殆非所以導養聖功垂憲後代此直少年諸王務耳安得既為天子尚行之乎竊為陛下不

取帝悅曰卿能言朕失朕能改之天下庶有瘳乎新唐書孫伏伽傳

劉仁軌擢咸陽丞貞觀十四年校獵同州時秋斂未訖仁軌諫

曰今茲澍澤霑足百穀熾茂收纔十二常日贅調已有所妨

又供獵事繕橋治道役雖簡省猶不損數萬少延一旬使場

圃畢勞陛下六飛徐驅公私交泰璽書褒納新唐書劉仁軌傳


執失思力授左領軍將軍帝逐兔苑中思力諫曰陛下為四海

父母乃自輕臣竊殆之帝異其言後復逐鹿思力脫巾帶固

諫帝為止新唐書執失思力傳

李峴遷京兆尹元宗歲幸温湯旬內巧供億以媚上峴獨無所

獻帝異之新唐書李峴傳



文化甲子

